

სახელმწიფო შესყიდვის შესახებ ხელშეკრულება N69

ქალაქი ბათუმი

2022 წელი

ერთის მხრივ შპს „აჭარის პროექტების მართვის კომპანია“ (შემდგომში „შემსყიდველი“), წარმოდგენილი მისი დირექტორის ბაქარ ჩიტაიას სახით და მეორეს მხრივ შპს „ადელაინი“ (შემდგომში „მიმწოდებელი“), წარმოდგენილი მისი დირექტორის ხათუნა ოშხარელის სახით, „სახელმწიფო შესყიდვების შესახებ“ საქართველოს კანონის და შპს „ადელაინი“-ს სატენდერო წინადადების საფუძველზე, შემსყიდველის მიერ ჩატარებული ელექტრონული ტენდერის (სატენდერო განცხადების ნომერი NAT220015152; კლასიფიკატორის (CPV) კოდი 30200000 - კომპიუტერული მოწყობილობები და აქსესუარები) შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1. „ხელშეკრულება სახელმწიფო შესყიდვის შესახებ“ (შემდგომ „ხელშეკრულება“) - შემსყიდველსა და მიმწოდებელს შორის დადებული წინამდებარე ხელშეკრულება მასზე თანდართული ყველა დოკუმენტითა და დამატებებით, რომელიც ხელმოწერილია მხარეთა მიერ;
- 1.2. „ხელშეკრულების საერთო ღირებულება“ - ხელშეკრულების ჯამური ღირებულება, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულების სანაცვლოდ;
- 1.3. „შემსყიდველი“ - ორგანიზაცია, რომელიც ახორციელებს შესყიდვას;
- 1.4. „მიმწოდებელი“ - პირი, რომელიც ახორციელებს საქონლის მოწოდებას მოცემული ხელშეკრულების ფარგლებში;
- 1.5. „დღე“, „კვირა“, „თვე“ - კალენდარული დღე, კვირა, თვე;
- 1.6. „საქონელი“ - ხელშეკრულების მე-2 პუნქტით გათვალისწინებული ხელშეკრულების საგანი;
- 1.8. „ტექნიკური პარამეტრები (ლექტოპები)“ - მიმწოდებლის მიერ ელექტრონული ტენდერის ფარგლებში წარმოდგენილი „დანართი N1 - ტექნიკური პარამეტრები (ლექტოპები)“, რომელიც თან ერთვის ხელშეკრულებას და წარმოადგენს მის განუყოფელ ნაწილს;
- 1.9. „ტექნიკური პარამეტრები (პრინტერები)“ - მიმწოდებლის მიერ ელექტრონული ტენდერის ფარგლებში წარმოდგენილი „დანართი N2 - ტექნიკური პარამეტრები (პრინტერები)“, რომელიც თან ერთვის ხელშეკრულებას და წარმოადგენს მის განუყოფელ ნაწილს;
- 1.10. „ფასების ცხრილი (ლექტოპები და პრინტერები)“ - მიმწოდებლის მიერ ელექტრონული ტენდერის ფარგლებში წარმოდგენილი „დანართი N3 - ფასების ცხრილი (ლექტოპები და პრინტერები)“, რომელიც თან ერთვის ხელშეკრულებას და წარმოადგენს მის განუყოფელ ნაწილს;

2. ხელშეკრულების საგანი

2.1. წინამდებარე ხელშეკრულების საფუძველზე მიმწოდებელი კისრულობს ვალდებულებას, მიაწოდოს შემსყიდველს 5 (ხუთი) ერთეული სატარებელი კომპიუტერი - ლექტოპი და 5 (ხუთი) ერთეული A4 ფორმატის მრავალფუნქციური შავ-თეთრი ლაზერული პრინტერი (CPV 30200000 - კომპიუტერული მოწყობილობები და აქსესუარები) (შემდგომში „საქონელი“) წინამდებარე ხელშეკრულებითა და ფასების ცხრილით განსაზღვრული პირობების შესაბამისად, ხოლო შემსყიდველი კისრულობს ვალდებულებას მიიღოს მიწოდებული საქონელი და უზრუნველყოს ანგარიშსწორება წინამდებარე ხელშეკრულებით გათვალისწინებული პირობების შესაბამისად.

3. ხელშეკრულების ღირებულება

3.1. ხელშეკრულების საერთო ღირებულება შეადგენს 15 753 (თხუთმეტი ათას შვიდას ორმოცდაცამეტი ლარი) ლარს დღგ-ს ჩათვლით;

3.2. ხელშეკრულების ღირებულება შესაძლებელია დაზუსტდეს ფაქტიურად მიწოდებული საქონლის ღირებულების შესაბამისად;

3.3. ხელშეკრულების ღირებულება მოიცავს ხელშეკრულებით გათვალისწინებული საქონლის მიწოდებასთან დაკავშირებულ მიმწოდებლის ყველა ხარჯს და საქართველოს კანონმდებლობით გათვალისწინებულ გადასახადებსა და გადასახდელებს, რომელთა გადახდაზე პასუხისმგებელია მიმწოდებელი.

4. ანგარიშსწორების ფორმა და პირობები

4.1. ანგარიშსწორება მოხდება უნაღდო ანგარიშსწორებით ლარში;

4.2. წინასწარი ანგარიშსწორება არ გამოიყენება;

4.3. მიმწოდებელთან ანგარიშსწორება განხორციელდება ერთჯერადად ფაქტობრივად მიწოდებული საქონლის მიწოდების თაობაზე მხარეებს შორის გაფორმებული მიღება-ჩაბარების აქტის შედგენისა და შესაბამისი საგადასახადო დოკუმენტაციის წარმოდგენიდან 10 (ათი) სამუშაო დღის ვადაში;

4.4. თუ საბოლოოდ მიწოდებული საქონლის ღირებულებამ არ შეადგინა ხელშეკრულების საერთო ღირებულება, შემსყიდველი მიმწოდებელს გადაუხდის ფაქტიურად მიწოდებული საქონლის ღირებულებას. შესაბამისად, მიმწოდებელს პრეტენზია არ უნდა გააჩნდეს აუთვისებელ თანხაზე.

5. მიღება-ჩაბარების წესი

5.1. მიღება-ჩაბარებას ახორციელებენ სათანადოდ უფლებამოსილი პირები;

5.2. შემსყიდველის მხრიდან მიღება-ჩაბარებაზე უფლებამოსილი წარმომადგენლებია ხელშეკრულების შესრულების კონტროლს განახორციელებელი პირ(ებ)ი;

5.3. საქონლის მიღება-ჩაბარება განხორციელდება ერთჯერადად.

6. მიწოდების ადგილი და ვადა

6.1. მიწოდების ადგილია: ქალაქი ბათუმი, ჟიული შარტავას გამზირი N13;

6.2. საქონლის მოწოდება უნდა განხორციელდეს ერთჯერადად, ხელშეკრულების გაფორმებიდან 30 (ოცდაათი) კალენდარული დღის ვადაში.

7. მხარეთა უფლება-მოვალეობანი

7.1. შემსყიდველს უფლება აქვს შეამოწმოს მიწოდებული საქონლის შესაბამისობა წინამდებარე ხელშეკრულებით გათვალისწინებულ პირობებთან;

7.2. შემსყიდველი ვალდებულია:

7.2.1. მოახდინოს ანგარიშსწორება მიმწოდებელთან ხელშეკრულებით გათვალისწინებული ვადებისა და პირობების შესაბამისად;

7.2.2. უზრუნველყოს საქონლის მიღება ამ ხელშეკრულებით დადგენილი პირობების გათვალისწინებით;

7.3. მიმწოდებელს უფლება აქვს მოსთხოვოს შემსყიდველს მიწოდებული საქონლის ღირებულების ანაზღაურება ხელშეკრულებით გათვალისწინებული ვადებისა და პირობების გათვალისწინებით;

7.4. მიმწოდებელი ვალდებულია:

7.4.1. დაიცვას ხელშეკრულებით გათვალისწინებული ყველა პირობა;

7.4.2. შეასრულოს ხელშეკრულებით აღებული ვალდებულებები სათანადო ხარისხითა და აუცილებელი მოცულობით, იმ ვადაში, რომელიც მითითებულია ხელშეკრულებაში;

8. ხელშეკრულებით ნაკისრი ვალდებულებების შესრულების კონტროლი

8.1. ხელშეკრულების შესრულების კონტროლს განახორციელებს შპს „აჭარის პროექტების მართვის კომპანია“-ს მატერიალურ-ტექნიკური უზრუნველყოფის მენეჯერი - როინ შავაძე და შპს „აჭარის პროექტების მართვის კომპანია“-ს IT სპეციალისტი ხმის რეჟისორი - გიორგი კომახიძე;

8.2. კონტროლი გულისხმობს მიმწოდებლის მიერ ხელშეკრულების პირობების შესრულების მიმდინარეობის კონტროლს.

9. პირგასამტეხლო ხელშეკრულების პირობების შეუსრულებლობისათვის

- 9.1. ხელშეკრულების 6.2. პუნქტით გათვალისწინებული ვალდებულების დარღვევის შემთხვევაში, მიმწოდებელს დაეკისრება პირგასამტეხლო ხელშეკრულების ღირებულების 0,02%-ის ოდენობით ყოველ ვადაგადაცილებულ დღეზე;
- 9.2. შემსყიდველს 4.3. პუნქტით გათვალისწინებული ვალდებულების დარღვევის შემთხვევაში დაეკისრება პირგასამტეხლო ასანაზღაურებელი თანხის 0,02%-ის ოდენობით ყოველ ვადაგადაცილებულ დღეზე;
- 9.3. ხელშეკრულებით ნაკისრი ვალდებულებების შეუსრულებლობის გამო მიმწოდებელთან ხელშეკრულების შეწყვეტის შემთხვევაში მიმწოდებელს დაეკისრება პირგასამტეხლო ხელშეკრულების საერთო ღირებულების 5%-ის ოდენობით;
- 9.4. დარიცხული პირგასამტეხლოს თანხის დაკავება განხორციელდება მიმწოდებელზე ასანაზღაურებელი ღირებულებიდან, ან მოხდება საბანკო გარანტიის გამოყენება;
- 9.5. იმ შემთხვევაში, თუ დარიცხული პირგასამტეხლოს თანხა აღემატება მიმწოდებელზე ასანაზღაურებელ ღირებულებას, მიმწოდებელი ვალდებულია პირგასამტეხლოს თანხა ჩარიცხოს შეტყობინებაში მითითებულ საბანკო ანგარიშზე შეტყობინების მიღებიდან 10 (ათი) სამუშაო დღის ვადაში;
- 9.6. პირგასამტეხლოს გადახდა არ ათავისუფლებს მიმწოდებელს ხელშეკრულებით განსაზღვრული ძირითადი ვალდებულებების შესრულებისაგან.

10. ხელშეკრულებაში ცვლილებების შეტანა

- 10.1. არავითარი გადახრა ან ცვლილება ხელშეკრულების პირობებში არ დაიშვება ორივე მხარის მიერ ხელმოწერილი წერილობითი შესწორებების გარდა;
- 10.2. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად;
- 10.3. ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველისათვის, გარდა სახელმწიფო შესყიდვების მარეგულირებელი კანონმდებლობით გათვალისწინებული შემთხვევებისა;
- 10.4. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

11. ხელშეკრულების შეწყვეტა

- 11.1. შემსყიდველს შეუძლია მთლიანად ან ნაწილობრივ შეწყვიტოს ხელშეკრულება, მიმწოდებლისათვის წერილობითი შეტყობინების შემდეგ:
- ა) თუ შემსყიდველი დარწმუნდება, რომ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია შეასრულოს ხელშეკრულებით ნაკისრი ვალდებულებები;
- ბ) თუ ხელშეკრულების 9.1., ქვეპუნქტის საფუძველზე დაკისრებული პირგასამტეხლოს ჯამური თანხა გადააჭარბებს ხელშეკრულების საერთო ღირებულების 1%-ს;
- გ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;
- დ) საქართველოს კანონმდებლობით გათვალისწინებულ სხვა შემთხვევებში;
- 11.2. ხელშეკრულების 11.1. პუნქტში მითითებულ შემთხვევებში შემსყიდველი აანაზღაურებს ფაქტიურად მიწოდებული საქონლის ღირებულებას;
- 11.3. შემსყიდველი ვალდებულია არანაკლებ 5 (ხუთი) დღით ადრე წერილობით აცნობოს მიმწოდებელს 12.1. პუნქტით გათვალისწინებული გადაწყვეტილების მიღების განზრახვის თაობაზე;
- 11.4. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში, მეორე მხარე უფლებამოსილია ცალმხრივად შეწყვიტოს ხელშეკრულება, მოქმედი კანონმდებლობით დადგენილი წესითა და პირობებით;

11.5. ხელშეკრულება შეიძლება შეწყდეს მხარეთა ინიციატივით, ურთიერთშეთანხმების საფუძველზე.

12. გარანტია

12.1. მიმწოდებლის მიერ ხელშეკრულებით მიწოდებული საქონლის ხარისხი და სტანდარტები უნდა შეესაბამებოდეს ხელშეკრულებით განსაზღვრულ პირობებს.

და მსგავსი მომსახურებისათვის აღიარებულ სტანდარტებსა და ნორმებს.

12.2. შესყიდვის ობიექტზე უნდა ვრცელდებოდეს გარანტია მიღება-ჩაბარების აქტის გაფორმების დღიდან 1 წლის განმავლობაში.

12.3. შემსყიდველის მხრიდან შესყიდვის ობიექტის ექსპლუატაციის ნორმების დაცვის შემთხვევაში, საგარანტიო ვადის განმავლობაში მიმწოდებელმა საკუთარი ხარჯებით (ტრანსპორტირების ხარჯების ჩათვლით) უნდა აღმოფხვრას ექსპლუატაციის პროცესში გამოვლენილი ნებისმიერი ხარვეზი/წუნი, საჭიროების შემთხვევაში უზრუნველყოს წუნდებული შესყიდვის ობიექტის შეცვლა ახლით, ასეთი ნაკლის შესახებ შემსყიდველის მიერ მიმწოდებლისათვის შესაბამისი წერილობითი შეტყობინებიდან (მათ შორის ელექტრონული საკომუნიკაციო საშუალების გამოყენებით) შემსყიდველთან შეთანხმებულ გონივრულ ვადაში, მაგრამ არაუგვიანეს 10 (ათი) კალენდარული დღის განმავლობაში, გარდა იმ შემთხვევისა, თუ ასეთი ხარვეზი გამოწვეულია ნივთის მექანიკური დაზიანებით.

13. დაუძლეველი ძალა

13.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით;

13.2. ამ პუნქტის მიზნებისათვის „დაუძლეველი ძალა“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა ან/და მიმწოდებლის შეცდომებსა და დაუდევრობასთან და რომლებსაც გააჩნიათ წინასწარ გაუთვალისწინებელი ხასიათი;

13.3. თუ მხარე დაუძლეველი ძალის გამო ვერ ასრულებს ვალდებულებებს, მან ამის შესახებ დაუყოვნებლივ, არაუგვიანეს ორი სამუშაო დღის ვადაში წერილობით უნდა აცნობოს მეორე მხარეს აღნიშნული გარემოების დადგომის შესახებ;

13.4. 13.3. პუნქტით განსაზღვრული ვალდებულების შეუსრულებლობის შემთხვევაში, მხარე არ გათავისუფლდება ხელშეკრულებით ნაკისრი ვალდებულებებისაგან;

13.5. მხარეთა ვალდებულებები და პასუხისმგებლობა განახლდება დაუძლეველი ძალის მოქმედების დასრულებისთანავე;

13.6. თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გაგრძელდა ერთ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის უფლების მოთხოვნის გარეშე.

14. სადაო საკითხების გადაწყვეტა

14.1. შემსყიდველმა და მიმწოდებელმა ყველა ღონე უნდა იხმარონ, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ;

14.2. შეთანხმების მიუღწევლობის შემთხვევაში, ნებისმიერ მხარეს დავის გადაწყვეტის მიზნით შეუძლია საქართველოს კანონმდებლობის შესაბამისად მიმართოს სასამართლოს.

15. სხვა პირობები

15.1. მხარეები აუნაზღაურებენ ერთმანეთს მიყენებულ ზარალს საქართველოს კანონმდებლობის შესაბამისად;

15.2. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

15.3. მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით;

15.4 ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, ელექტრონული წერილის ან ფაქსის სახით, ორიგინალის შემდგომი წარდგენით, ხელშეკრულებაში მითითებული მეორე მხარის მისამართზე. შეტყობინება ძალაში შედის ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება;

15.5. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით;

15.6. ხელშეკრულება და მასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაიცვლება მხარეთა შორის, შესრუდება ქართულ ენაზე;

15.7. უცხოურენოვან დოკუმენტსა და მის ქართულ ენაზე შესრულებულ თარგმანს შორის პრიორიტეტი ენიჭება ქართულ ენაზე შესრულებულ თარგმანს;

15.8. ხელშეკრულება შედგენილია ორი თანაბარი იურიდიული ძალის მქონე ეგზემპლარად, რომლებიც ინახება ხელშეკრულების მხარეებთან.

16. ხელშეკრულების მოქმედების ვადა

16.1. ხელშეკრულება ძალაში შედის ხელშეკრულების თავში მითითებული თარიღიდან და მოქმედებს 2022 წლის 31 დეკემბრის ჩათვლით;

16.2. ხელშეკრულებით ნაკისრი ვალდებულებების შესრულების მოთხოვნის უფლება ძალაში რჩება ხელშეკრულების მოქმედების ვადის გასვლის შემდეგაც.

17. მხარეთა რეკვიზიტები

„შემსყიდველი“

შპს „აჭარის პროექტების მართვის კომპანია“

მის. ქ. ბათუმი, ჟიული შარტავას გამზირი N13

ს/კ 445409415

დირექტორი

ბაქარ ჩიტაია

„მიმწოდებელი“

შპს „ადელაინი“

იურ.მის: ქ. თბილისი, გამრეკელის ქ., N20

სს „თიბისი ბანკი

ბანკის კოდი TBCBGE22

ა/ა GE19TB7893136080100008

ს/კ 405203569

დირექტორი

ხათუნა ოშხარელი

შპს "ადელაინი" 405203569

სატარებელი კომპიუტერის - ლეპტოპის ტექნიკური პარამეტრები

	სავალდებულო მოთხოვნები	ტექნიკური მახასიათებლები	პრეტენდენტის მიერ შესავსები ინფორმაცია
1	ბირთვების რაოდენობა:	არანაკლებ 4 (ოთხი)	6 (ექვსი)
2	ლიტოგრაფია	არაუმეტეს 14 nm	7 nm
3	ნაკადების რაოდენობა	არანაკლებ 4 (ოთხი)	12 (თორმეტი)
4	„ქეში“ ან „L3 ქეში“	4MB ან მეტი	8MB
5	მაქსიმალური ტაქტური სიხშირე	არანაკლებ 3.4GHz	4.0GHz
6	ოპერატიული მეხსიერება	4 GB ან მეტი, DDR4 2400 MHz ან მეტი.	4 GB DDR4 3200 MHz
7	მყარი დისკი	M.2 PCIe NVMe ტიპის, 256GB ან მეტი	M.2 PCIe NVMe ტიპის, 512GB
8	ოპტიკური დისკების წამკითხავი მოწყობილობა	არაა სავალდებულო	არ აქვს
9	ქსელი	10/100/1000 Ethernet Controller	10/100/1000 Ethernet Controller
10	რადიო ქსელი	802.11 AC, Bluetooth	802.11 AC, Bluetooth
11	ეკრანი	15.6", LED უკანა განათებით, 1366x768 გარჩევადობა ან მეტი	15.6", LED უკანა განათებით, 1920X1080
12	გრაფიკული ადაპტერი	ინტეგრირებული	ინტეგრირებული
13	ხმის ადაპტერი	ხმამალამოლაპარაკე, Stereo headphone/line out, microphone/line in (შესაძლოა კომბინირებული ზუდე)	ხმამალამოლაპარაკე, Stereo headphone/line out, microphone/line in (კომბინირებული ზუდე)
14	ინტერფეისები	VGA ან HDMI სავალდებულოა, არანაკლებ 2 x USB 3.0 პორტი, 1x RJ-45, 1x კვების ზუდე	HDMI ; 2 x USB 3.2 პორტი, 1x RJ-45, 1x კვების ზუდე
15	Card Reader	არაა სავალდებულო	არ აქვს
16	ვებ კამერა	სავალდებულოა	აქვს
17	კლავიატურა	მინიმუმ 100 კლავიშაანი	100 კლავიშაანი
18	ოპერაციული სისტემა	Preinstalled Windows 10 Professional 64 OEM	Preinstalled Windows 10 Professional 64 OEM

დირექტორი: ხათუნა ოშხარელი



შპს "ადელაინი" 405203569

A4 ფორმატის მრავალფუნქციური შავ-თეთრი ლაზერული პრინტერის ტექნიკური პარამეტრები

პრინტერი:		პრეტენდენტის მიერ შესავსები ინფორმაცია
1	ბეჭდვის ტიპი: შავ-თეთრი	ბეჭდვის ტიპი: შავ-თეთრი
2	ტექნოლოგია: ლაზერული	ტექნოლოგია: ლაზერული
3	პირველი გვერდის ამობეჭდვის დრო: არაუმეტეს 6.5 წამი	პირველი გვერდის ამობეჭდვის დრო: 6.5 წამი
4	ბეჭდვის სიჩქარე: მინიმუმ 38 გვ/წუთში ან მეტი	ბეჭდვის სიჩქარე: 38 გვ/წუთში
5	პრინტერის გარჩევადობა: არანაკლებ 1200 x 600 dpi ან მეტი	პრინტერის გარჩევადობა: 1200 x 1200 dpi
6	ფორმატი: A4, დამატებით დასაშვებია მცირე ფორმატების ბეჭდვის ფუნქცია	ფორმატი: A4, მცირე ფორმატების ბეჭდვის ფუნქცია
7	საქადალდე უჯრა: მინიმუმ 150 ფურცელი ან მეტი	საქადალდე უჯრა: 150 ფურცელი
8	საკომუნიკაციო პორტები: USB და RJ45 სავალდებულოა	საკომუნიკაციო პორტები: USB და RJ45 აქვს
9	პრინტერს უნდა მოყვებოდეს არანაკლებ 1.5 მეტრი სიგრძის კომპიუტერთან დამაკავშირებელი USB ტიპის კაბელი	პრინტერს მოყვება 1.5 მეტრი სიგრძის კომპიუტერთან დამაკავშირებელი USB ტიპის კაბელი
10	ოპერატიული მეხსიერება: მინიმუმ 512MB ან მეტი	ოპერატიული მეხსიერება: 512MB
11	მაქსიმალური დატვირთვის ციკლი თვეში : არანაკლებ 80000 გვერდი ან მეტი	მაქსიმალური დატვირთვის ციკლი თვეში : 80000 გვერდი
12	ფურცელზე ორმხრივად ბეჭდვა: აუცილებელია	ფურცელზე ორმხრივად ბეჭდვა: აქვს
13	შემომავალი დენი: დააკმაყოფილოს 220 V-დან 240 V-ის ჩათვლით	შემომავალი დენი: ~220 V-დან 240 V-ის ჩათვლით
14	ოპერაციულ სისტემებთან თავსებადობა: Windows, Linux, Mac OS	ოპერაციულ სისტემებთან თავსებადობა: Windows, Linux, Mac OS
ასლის გადაღება:		
15	ასლის გადაღების სიჩქარე: მინიმუმ 38 გვ/წუთში ან მეტი.	ასლის გადაღების სიჩქარე: 38 გვ/წუთში
16	ასლის გადაღების გარჩევადობა: 600 x 600 dpi ან მეტი	ასლის გადაღების გარჩევადობა: 600 x 600 dpi
სკანერი:		
17	სკანერის ტიპი: Flatbed, ADF (ფურცლის ავტომატური მიმწოდებელი)	სკანერის ტიპი: Flatbed, ADF (ფურცლის ავტომატური მიმწოდებელი)
18	სკანერის გარჩევადობა : 1200 x1200 dpi ან მეტი	სკანერის გარჩევადობა : 1200 x1200 dpi
19	სკანირების სიჩქარე: 29 გვ/წუთში ან მეტი	სკანირების სიჩქარე: 29 გვ/წუთში
20	დასკანირებული ფაილის ფორმატი: PDF სავალდებულოა	დასკანირებული ფაილის ფორმატი: PDF აქვს
კარტრიჯი:		
21	ბარაბანი ინტერგირებული უნდა იყოს ორიგინალ კარტრიჯებში	ბარაბანი ინტერგირებულია ორიგინალ კარტრიჯებში
22	პრინტერს უნდა მოყვებოდეს მითითებული დიაპაზონის რომელიმე ერთ-ერთი კონკრეტული რესურსის მქონე კარტრიჯი: არანაკლებ 8000 გვერდი (5% დაფარვით) არაუმეტეს 12000 გვერდი (5% დაფარვით)	პრინტერს მოყვება 10 000 გვერდის (5% დაფარვით) რესურსის მქონე კარტრიჯი

დირექტორი: ხათუნა ოშხარელი



ფასების ცხრილი

N	შესასყიდი საქონელი	რაოდენობა	ერთეულის ფასი	ჯამური ღირებულება	ბრენდისა და მოდელის დასახელება	წარმოშობის ქვეყანა და მწარმოებელი კომპანია
1	სატარებელი კომპიუტერი - ლეპტოპი	5 (ცალი)	1746.40	8732.00	Lenovo / V15 G2 ALC	ჩინეთი /Lenovo PC HK Limited
2	A4 ფორმატის მრავალფუნქციური შავ-თეთრი ლაზერული პრინტერი	5 (ცალი)	1404.20	7021.00	HP / LaserJet Pro MFP M428dw	ჩინეთი /HP Inc
	სულ ჯამი დღგ-ს ჩათვლით		ლარი	15 753.00		
სატარებელი კომპიუტერის - ლეპტოპისა და A4 ფორმატის მრავალფუნქციური შავ-თეთრი ლაზერული პრინტერის საგარანტიო ვადა შეადგენს მიღება-ჩაბარების აქტის გაფორმებიდან 1 (ერთი) წელს.						

შპს "ადელაინი" - ს/კ 405203569

დირექტორი: ხათუნა ოშხარელი